

傷寒來蘇水

論註(三)



傷寒論註卷之三

南陽

張機

仲景原文

蕪谿

柯琴

韵伯編註

崑山

馬中驎北較訂

陽明脈證上

陽明之為病胃家實也

陽明為傳化之府當更實更虛食入胃實而腸虛食下腸實而胃虛若但實不虛斯為陽明之病根矣胃實不是陽明病而陽明之為病悉從胃實上得來故以胃家實為陽明一經之總綱也然致實之由最宜

六  
詳審有實于未病之先者有實于得病之後者有風  
寒外束熱不得越而實者有妄汗吐下重亡津液而  
實者有從本經熱盛而實者有從他經轉屬而實者  
此只舉其病根在實而勿得以胃實卽爲可下之症  
按陽明提綱與內經熱論不同熱論重在經絡病爲  
在表此以裡症爲主裡不和卽是陽明病他條或有  
表証仲景意不在表或兼經病仲景意不在經陽明  
爲闔凡裡証不可者又以闔病爲主不大便固闔也  
不小便亦闔也不能食食難用飽初欲食反不能食  
皆闔也自汗出盜汗出表開而裡闔也反無汗內外

皆闔也。種種闔病，或然或否，故提綱獨以胃實為主。胃實不是，竟指燥屎堅硬，只對下利言。下利是胃家不實矣。故汗出解後，胃中不和而下利者，便不稱陽明病。如胃中虛而不下利者，便屬陽明。卽初硬後溏者，總不失爲胃家實也。所以然者，陽明太陰同處中州，而所司各別。胃司納，故以陽明主實；脾司輸，故以太陰主利。同一胃府而分治如此，是二經所由分也。

問曰：陽明病外證云何？答曰：身熱、汗自出、不惡寒、反惡熱也。

陽明主裡而亦有外症者，有諸中而形諸外，非另有

外証也。胃實之外見者，其身則蒸蒸然，裡熱熾而達于外，與太陽表邪發熱者不同。其汗則濺濺然，從內溢而無止息，與太陽風邪爲汗者不同。表寒已散，故不惡寒，裡熱閉結，故反惡熱。只因有胃家實之病根，卽見身熱自汗之外症，不惡寒反惡熱之病情。然此但言病机發現，非卽可下之証也。宜輕劑以和之，必譏語潮熱煩躁脹滿諸症兼見，纔爲可下。

四証是陽明外証之提綱。故胃中虛冷亦得稱陽明病者，因其外証如此也。

陽明病脈浮而緊者，必潮熱發作有時。但浮者必盜汗。

出

陽明脈証與太陽脈証不同。太陽脈浮緊者必身疼  
痛無汗惡寒發熱不休。此則潮熱有時是惡寒將自  
罷將發潮熱時之脈也。此緊反入裡之謂。不可拘緊  
則為寒之說矣。太陽脈但浮者必無汗。今盜汗出是  
因于內熱。且與本經初病但浮無汗而喘者不同。又  
不可拘浮為在表之法矣。脈浮緊但浮而不合麻黃  
症。身熱汗出而不是桂枝証。麻桂下咽陽盛則斃耳。  
此脈從經異。非脈從病反。要知仲景分經辨脈勿專  
據脈談症。

傷寒三日陽明脈大

脈大者兩陽合明內外皆陽之象也陽明受病之初病爲在表脈但浮而未大與太陽同故亦有麻黃桂枝証至二日惡寒自止而反惡熱三日來熱勢太盛故脈亦應其象而洪大也此爲胃家實之正脈若小而不大便屬少陽矣

內經云陽明之至短而濇此指秋金司令之時脈又曰陽明脈象大浮也此指兩陽合明之病脈

脈浮而大心下反硬有熱屬藏者攻之不令發汗屬府者不令溲數溲數則大便硬汗多則熱愈汗少則便難脈遲

尙未可攻

此治陽明之大法也。陽明主津液，所生病，津液乾則胃家實矣。津液致乾之道有二：汗多則傷上焦之液，溺多則傷下焦之液。一有所傷，則大便硬而難出，故禁汗與澉。夫脈之浮而緊，浮而緩，浮而數，浮而遲者，皆不可攻而可汗。此浮而大，反不可汗而可攻者，以爲此陽明三日之脈。當知大爲病進，不可拘浮爲在表也。心下者，胃口也。心下硬已見胃實之一班，以表脈不當見裡証，故曰反硬耳。有熱屬藏，是指心肺有熱，不是竟指胃實。攻之是攻其熱，非攻其實，卽與黃



苓湯徹其熱之義也。不令者禁止之辭。便見瀉心之意。上焦得通。津液自下。胃氣因和耳。屬府指膀胱亦不指胃。膀胱熱故洩數。不令處亦見當滋陰之義矣。屬府是陪說。本條重在藏熱。汗多句直接發汗句來。蓋汗爲心液。汗出是有熱。屬藏之徵也。所以不令發汗者何。蓋汗出多。津液亡。而火就燥。則愈熱。而大便難。卽汗出少。亦未免便硬。而難出。故利于急攻耳。仲景治陽明。不患在胃家實。而患在藏有熱。故急于攻熱。而緩以下其實。禁汗與洩。所以存其津。正以和其實耳。然証有虛實。脈有真假。假令脈遲。便非藏實。是

浮大皆爲虛脈矣。仲景特出此句，正發明心下硬一証。有無熱屬藏者，爲妄攻其熱者，禁也。其慎密如此。陽明病，心下鞭滿者，不可攻之。攻之利遂不止者，死。利止者，愈。

陽明証具而心下硬，有可攻之理矣。然硬而尚未滿，是熱邪散漫，胃中尙未乾也。妄攻其熱，熱去寒起，移寒于脾，實反成虛，故利遂不止也。若利能自止，是其人之胃不虛而脾家實腐穢去盡而邪不留，故愈。○上條熱旣屬藏，利于急攻，所以存津液也。此條熱邪初熾，禁其妄攻，所以保中氣也。要知腹滿已是大陰

一 班陽明太陰相配偶。胃實則太陰轉屬於陽明。胃虛則陽明轉屬於太陰矣。此仲景大有分寸處。診者大宜着眼。

傷寒嘔多。雖有陽明証。不可攻之。

嘔多是水氣在上焦。雖有胃實証。只宜小柴胡以通液。攻之恐有利遂不止之禍。要知陽明病津液未亡者。慎不可攻。蓋腹滿嘔吐是太陰陽明相關証。胃實胃虛是陽明太陰分別處。胃家實雖變証百出。不失爲生陽。下利不止。參附不能挽回。便是死陰矣。

陽明病自汗出。若發汗。小便自利。此爲津液內竭。大便

雖硬不可攻之當須自欲大便宜密煎導而通之若土  
瓜根及與大猪澹汁皆可爲導

本自汗更發汗則上焦之液已外竭小便自利則下  
焦之液又內竭胃中津液兩竭大便之硬可知雖硬  
而小便自利是內實而非內熱矣蓋陽明之實不患  
在燥而患在熱此內旣無熱只須外潤其燥耳連用  
三白字見胃實而無變証者當任其自然而不可妄  
治更當探苦欲之病情于欲大便時因其勢而利導  
之不欲便者宜靜以俟之矣此何以故蓋胃家實固  
是病根亦是其人命根禁攻其實者先慮其虛耳

陽明病本自汗出。醫更重發汗。病已差。尙微煩。不了了者。此必大便秘。故也。以亡津液。胃中乾燥。故令大便秘。當問其小便。日幾行。若本小便日三四行。今日再行。故知大便不久出。今爲小便數少。以津液當還入胃中。故知不久必大便也。

治病必求其本。胃者津液之本也。汗與溲皆本于津液。本自汗出。本小便利。其人胃家之津液本多。仲景提出亡津液句。爲世之不惜津液者告也。病差指身熱。汗出言煩。卽惡熱之謂煩。而微知惡熱。將自罷。以尙不了。故大便秘耳。數少卽再行之謂大便硬。小便

少皆因胃亡津液所致不是陽盛于裡也因胃中乾燥則飲入于胃不能上輸于肺通調水道下輸膀胱故小便反少而遊溢之氣尙能輸精於脾津液相成還歸于胃胃氣因和則大便自出更無用導法矣以此見津液素盛者雖亡津液而津液終自還正以見胃家實者每躊躇顧慮示人以勿妄下與勿妄汗也歷舉治法脈遲不可攻心下滿不可攻嘔多不可攻小便自利與小便數少不可攻總見胃家實不是可攻証

蜜煎方 蜜七合

右一味于銅器內煎凝如飴狀攪之勿令焦著欲可

丸併手捻作挺令頭銳大如指長二寸許當熱時急作冷則硬以內穀道中欲大便時乃去之

猪膽汁方 大猪胆一枚瀉汁加醋少許以灌穀道中如一食頃當大便出宿食及惡物甚效

問曰病有得之一日不發熱而惡寒者何也答曰雖得之一日惡寒將自罷卽自汗出而惡熱也

陽明受病當二三日發上條是指其已發熱言此追究一日前未發熱時也初受風寒之日尙在陽明之表與太陽初受時同故陽明亦有麻黃桂枝証二日來表邪自罷故不惡寒寒止熱熾故汗自出而反惡

熱兩陽合明之象見矣。陽明病多從他經轉屬。此因本經自受寒邪。胃陽中發寒邪。卽退反從熱化。故耳。若因亡津液而轉屬。必在六七日來。不在一二日間。本經受病之初。其惡寒雖與太陽同。而無頭項強痛。爲可辨。卽發熱汗出。亦同太陽。桂枝症。但不惡寒。反惡熱之病情。是陽明一經之樞紐。○本經受邪。有中。面中膺之別。中面則有目疼鼻乾邪氣。居高卽熱。反勝寒。寒邪未能一日遽止。此中于膺。部位近于胃。故退寒最捷。

問曰惡寒何故自罷。答曰陽明居中土也。萬物所歸。無



所復傳始雖惡寒二日自止此爲陽明病也

太陽病八九日尙有惡寒証若少陽寒熱往來三陰惡寒轉甚非發汗溫中何能自罷惟陽明惡寒未經表散卽能自止與他經不同始雖惡寒二句語意在陽明居中句上夫知陽明之惡寒易止便知陽明爲病之本矣胃爲戊土位處中州表裡寒熱之邪無所不歸無所不化皆從燥化而爲實實則無所復傳此胃家實所以爲陽明之病根也

○右論胃實証

問曰太陽緣何可得陽明病答曰太陽病若發汗若下